

## He Ngohe Aromatawai ā-Roto Mō ngā mahi whakamahere anake

**Te Ingoa o te Ngohe:** Kanikania!

**Aronga:** Ngā Mahi a te Rēhia 1.2A

**Paerewa Paetae:** Ngā Mahi a te Rēhia 1.2

**Kaupae:** 1

**Whiwhinga:** 6

### He Tohutohu mā te Ākonga

#### I tēnei ngohe

I tēnei ngohe, ka tūhura, ka whai koe i ngā tukanga toi rēhia ki te whakarite kanikani.

#### Te horopaki

Ko tāu nā mahi he mahi takirōpū ki te whakarite kanikani e hāngai ana ki tētahi pūrākau.

Mā koutou ko tō rōpū tētahi pūrākau e kōwhiri hei kaupapa mō te kanikani, kātahi ka mahi takirōpū ki te whakarite kanikani e whakamāoritia atu ai aua āhuatanga.

Ka aromatawaingia tāu whakaatu māramatanga ki ngā tukanga toi rēhia e tika ana hei whakaatu i ngā āhuatanga o te pūrākau.

#### Hei mahi

Kōwhiria tētahi pūrākau hei kaupapa mō tā koutou kanikani. Matapakihia hei rōpū ngā kōrero, ngā uara, ngā kaupapa matua anō hoki o te pūrākau. Kōwhiria ngā tukanga toi rēhia e tika ana hei whakamāori atu i ngā āhuatanga matua o te pūrākau.

Whakaritea tā koutou kanikani me ōna nekehanga kia waihangatia ai tētahi raupapa e kaha whakamāori nei i ngā kaupapa matua o te pūrākau. Hopukina ngā kōrero, whakaaro katoa hoki hei taunakitanga mō tāu ake hautaka. Ko tāu hautaka tērā e whakaaturia ai te tukanga i whāia e koutou, me ngā whakawhanaketanga/panonitanga anō hoki. Kia tika te tāuru i ngā kōrero katoa e tika ana.

Mahia tā koutou kanikani i mua i te whakaminenga, i te pū whakaahua rānei.

## Kōrero Āpiti

tukanga toi	<p>Ko ngā tukanga ngā hātepe ka whāia kia tutuki ai tētahi whāinga.</p> <p>Hei tēnei ngohe, ko ngā tukanga katoa tērā e hāngai ana ki ngā toi rēhia me te whakarite kanikani.</p>
-------------	---